



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex
Hebraica veritate in Latinum carmen obseruantissimè conuersi

Arias Montano, Benito

Antverpiæ, 1589

Psalmvs XII. Saluum me fac Domine, quoniam defecit sanctus.

urn:nbn:de:hbz:466:1-44993

Saluum me fac Domine, quoniam defecit sanctus.
PROVIDENTIA VINDEX.

1 Ad præstantem super octauam, Psalmus Dauid.

Ode Dicolos Distrophos.

2 **I**AS ades redemptor & vindex; pius
Nam nullus extat, aut probus:
Rarum est nepotes inter Adæ perfidos
Veracis exemplum viri.

3 Qui verba vanis adparata vocibus
Vtrimque fallentes ferunt;
Docti labellis insonare lubricis,
Binis loquuntur cordibus.

4 **I**AS dolosi labra vt oris lubrica
Linguamque scindat improbam:
Hæc qui insolente proferunt audacia,

5 Nos lingua nostra principes,
Nostrique labri compotes agnouerit,
Quis tutor est nobis datus?

6 Vindex auaræ fraudis, inquit, pauperum
Direpta quærens pignora,
Gementis excitatus vsque egenuli
Lugubribus suspirijs

IAS salutis auctor, insurgam modo
Et liberabo hoc retibus.

7 Quæ dixit **I**AS dicta pura, candida;
Argenti & excretum genus,
Cauo perurens scoriam quod fictili
Ignis recoxit septimus.

8 **I**AS redemptor ô tuum custos pecus
Seruabis, & reges bonus;
Assertor ac de gentis impuræ manu
In sæcla duces postera:

9 Nam cuncta feruent conuoluta ab improbis,
Nusquam & quieti sunt pij:
Furente quum terrenus arte filius
Insurgit, & potens viget.

PSALMVS XIII.

Vsquequo Domine obliuisceris me in finem?

EXOPTANDA TUTE LA.

Ad præstantem, Psalmus Dauid.

Ode Tricolos Tetraistrophos.

1 **I**AS profundæ quem statuis modum
Obliuionis, qua premor heu, tua?